

UGOVOR

o nabavci usluge digitalizacije i mikrofilmovanja

zaključen dana _____ 2021. godine, između:

1. **JU Arhiv Tuzlanskog kantona, Franje Ledera br. 1, 75000 Tuzla, ID broj: 4209473570000 kojeg zastupa direktor mr. sc. Omer Zulić (u daljem tekstu: Naručilac)**
- i
2. **KABAS d.o.o. Sarajevo, Šehercćehajina čikma br. 3, 71000 Sarajevo, ID broj: 4200382330009 kojeg zastupa direktor Hatidža Tokić (u daljem tekstu Izvršilac).**

PREDMET UGOVORA

Član 1.

Predmet ovog ugovora je nabavka usluga digitalizacije i mikrofilmovanja putem konkurentskog zahtjeva za dostavu ponuda čije karakteristike su bliže specificirane u Ponudi Kabas d.o.o. Sarajevo br. 08-067/2021 (u daljem tekstu: Ponuda) koja odgovara uslovima iz tenderske dokumentacije i sastavni je dio ovog Ugovora.

UGOVORENA CIJENA I NAČIN PLAĆANJA

Član 2.

Ukupna ugovorena cijena, bez uračunatog PDV-a prema rezultatima sprovedene e-aukcije, iznosi **4485,00 KM** (slovima: četirihiljadečetristoosamdesetipet KM). Sa uračunatim PDV-om, ukupna cijena iznosi **5247,45 KM** (slovima: pethiljadadvjestočetrdesetisedam 45/100 KM).

Izvršilac se obavezuje da za Naručioca izvrši usluge specificiranu članom 1 ovog ugovora, a Naručilac će plaćanje navedene usluge iz člana 1. ovog ugovora vršiti u zakonom predviđenom roku putem trezorskog načina plaćanja, računajući od dana ispostave računa od strane Izvršioca.

ROK ISPORUKE

Član 3.

Izvršilac se obavezuje da uslugu koje je predmet ovog Ugovora, izvrši, u skladu sa tehničkim specifikacijama definisanim tenderskom dokumentacijom, najkasnije do 24.12.2021. godine.



GARANTNI ROK

Član 4.

Garancija Izvršioca na isporučene mikrofilmove, kao i na valjanost i upotrebljivost digitalizirane građe je minimalno godina dana (12 mjeseci) od digitalizacije i mikrofilmovanja.

Sve mane i nedostatke, te odstupanja od ugovorenog kvaliteta koji se u toku garantnog roka konstatuju na uslugu koja je predmet nabavke, Izvršilac je dužan otkloniti o svom trošku u što kraćem roku, a ne duže od 15 (petnaest) dana.

VIŠA SILA

Član 5.

Pod višom silom se podrazumijevaju neočekivani događaji do kojih je došlo zbog uzroka koje ugovorne strane nisu mogle predvidjeti, izbjeći ili otkloniti, a koje imaju za posljedicu nemogućnost ili bitno smanjenu mogućnost izvršenja usluge, odnosno plaćanja.

Ugovorna strana, koja zbog dejstva više sile ne može ispuniti svoje obaveze, dužna je obavijestiti drugu stranu najkasnije 24 sata od momenta nastupanja dejstva više sile, kao i preduzeti sve mjere u cilju smanjenja ili otklanjanja dejstva više sile.

Ukoliko ugovorna strana svoje obaveze zbog dejstva više sile ne može ispuniti u periodu kraćem od mjesec dana, druga strana ima pravo na raskid ugovora.

RASKID UGOVORA

Član 6.

Ovaj Ugovor se može raskinuti sporazumno uz obostranu saglasnost Ugovornih strana. Ukoliko dođe do jednostranog raskida Ugovora, Ugovorna strana koja je odgovorna za jednostrani raskid Ugovora, snosi svu štetu nastalu drugoj Ugovornoj strani.

Jednostrani raskid Ugovora mora se najaviti 15 dana ranije.

Svaka Ugovorna strana ima pravo raskida Ugovora u slučaju da druga strana ne izvršava svoje ugovorene obaveze.

ZAVRŠNE ODREDBE

Član 7.

Na ostala prava i obaveze Ugovornih organa, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 8.

Ugovorne strane su saglasne da Izvršilac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani od strane Komisije za nabavke u svojstvu člana ili službenog lica prilikom dodjele ugovora.



[Handwritten signatures in blue ink]

Ograničenja u smetnji iz stava 1. ovog člana traju šest mjeseci od dana zaključenja ugovora.

Član 9.

Ugovor stupa na snagu danom obostranog potpisivanja ugovornih strana.

Član 10.


Sve eventualne sporove ugovorne strane će prvenstveno rješavati sporazumno, a u slučaju nemogućnosti sporazuma, nadležan je Općinski sud u Tuzli.

Član 11.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka za svoje potrebe.


**ZA IZVRŠIOCA
DIREKTOR**


Broj: 09-076/21
Datum: 27.09.2021. godine


**ZA NARUČIOCA
DIREKTOR**

mr. sc. Omer Zulić

Broj: 02-1939-9/21
Datum: 22.9.2021. godine